

MINISTARSTVO PRIVREDE

451

Na osnovu člana 55. stav (2) tačka b) Zakona o organizaciji uprave u Hercegovačko-neretvanskom kantonu („Službene novine HNK“, broj 9/09), te na osnovu člana 46. stav (13) Zakona o rudarstvu Hercegovačko-neretvanskog kantona („Službene novine HNK“, broj 7/11), kantonalni ministar privrede donosi

**PRAVILNIK
KOJIM SE PROPISUJE NAČIN IMENOVANJA
ČLANOVA KOMISIJE ZA TEHNIČKI
PREGLED RUDARSKIH OBJEKATA I
POSTROJENJA IZGRAĐENIH NA OSNOVU
ODOBREN OG L AVN OG I DOPUNSK OG
RUDARSK OG P ROJEK TA, ZA OBAVLJ ANJE
TEHNIČK OG P REGLE DA, SADRŽAJ
ZAPISNIKA O IZVRŠEN OM TEHNIČK OM
P REGLE DU, TE NAKNADA ZA RAD
ČLANOVA KOMISIJE**

I OPĆE ODREDBE

Član 1.

Ovim Pravilnikom se, radi izdavanja dozvole za upotrebu rudarskih objekata, postrojenja, uređaja i instalacija izgrađenih na osnovu odobrenog glavnog i dopunskog rudarskog projekta, propisuje način imenovanja članova komisije za tehnički pregled rudarskih objekata i postrojenja izgrađenih na osnovu odobrenog glavnog i dopunskog rudarskog projekta, za obavljanje tehničkog pregleda, sadržaj zapisnika o izvršenom tehničkom pregledu, te naknada za rad članova komisije.

Član 2.

Rudarski objekti, postrojenja, uređaji i instalacije izgrađeni na osnovu glavnog i dopunskog rudarskog projekta, mogu se pustiti u probni pogon najduže do šest mjeseci poslije izvršenog tehničkog pregleda od strane stručne komisije koju je formiralo privredno društvo.

II PODNOŠENJE ZAHTJEVA

Član 3.

(1) Zahtjev za tehnički pregled privredna društva koja eksploatišu mineralne sirovine iz člana 7. Zakona o rudarstvu Hercegovačko-neretvanskog kantona (u daljem tekstu: Zakon), podnose Ministarstvu

privrede Hercegovačko-neretvanskog kantona (u daljnjem tekstu: Ministarstvo).

(2) Uz zahtjev za tehnički pregled za dobivanje dozvole za upotrebu rudarskih objekata i postrojenja, privredno društvo prilaže:

- a) rješenje o ispunjavanju uslova za obavljanje registrovane djelatnosti;
- b) spisak objekata i opreme;
- c) spisak projekata prema kojima su izgrađeni objekti, postrojenja i uređaji uz navođenje broja dozvole pod kojim su odobreni,
- d) spisak kadrova;
- e) spisak isprava i šifre o izvršenim periodičnim pregledima oruđa za rad i uređaja, odnosno radnih i pomoćnih prostorija koji podliježu obaveznim periodičnim pregledima i
- f) odgovarajući vodni akt.

(3) Troškove tehničkog pregleda snosi privredno društvo.

**III KOMISIJA, NOVČANA NAKNADA ZA RAD
KOMISIJE, TEHNIČKI PREGLED, ZAPISNIK,
DOZVOLA ZA UPOTREBU**

Član 4.

Pouredno podnesenom zahtjevu u skladu sa važećim propisima, Ministar rješenjem imenuje komisiju za tehnički pregled (u daljem tekstu: Komisija).

Član 5.

(1) Rješenje o imenovanju Komisije sadrži podatke o predsjedniku i članovima Komisije, podatke o zadatku Komisije, rok u kome je Komisija dužna izvršiti zadatak, kao i odredbe o pravu na novčanu naknadu za rad Komisije.

(2) Broj članova Komisije određuje se na osnovu specijalnosti, složenosti i obima predmeta tehničkog pregleda.

(3) Komisiju sačinjavaju stručna lica Sektora energetike, industrije i rudarstva, te stručna lica iz privrednog društva ili ustanove iz oblasti rudarstva koja ispunjavaju uslove iz člana 68. Zakona, a koje je izradilo glavni i dopunski rudarski projekat za rudarske objekte, postrojenja, uređaje i instalacije nad kojima se vrši tehnički pregled.

(4) U radu Komisije, prilikom tehničkog pregleda učestvuju i predstavnici organa koji je izdao urbanističku saglasnost i okolinsku dozvolu.

(5) Radu Komisije za tehnički pregled obavezno prisustvuje predstavnik rudarske inspekcije.

Član 6.

(1) Po izvršenom zadatku, Komisija će voditelju postupka dostaviti Troškovnik, na osnovu kojeg se

donosi Zaključak o određivanju troškova postupka.

(2) Novčana naknada za rad Komisije obuhvata troškove rada komisije, a čiji iznos se utvrđuje na osnovu kriterija koji se odnose na složenost tehničke dokumentacije, specijalnost, obim i složenost rudarskih objekata i postrojenja, te rada na terenu, s tim da novčana naknada ne može biti manja od 600,00 KM niti veća od 900,00 KM.

(3) Prilikom utvrđivanja prava na novčanu naknadu predsjedniku i članovima Komisije, primjenjivat će se važeći propis kojim se uređuje način osnivanja komisija, način ostvarivanja i visina novčane naknade za rad u komisijama osnovanim u kantonalnim organima državne službe.

(4) Novčanu naknadu za rad Komisije iz stava (2) ovog člana plaća stranka po čijem zahtjevu se pokreće postupak, na žiro račun Budžeta Hercegovačko-neretvanskog kantona.

(5) Novčanu naknadu podnosilac zahtjeva plaća u roku od 10 (deset) dana od dana prijema Zaključka iz stava (1) ovog člana.

Član 7.

(1) Nakon izvršenog uvida u tehničku dokumentaciju i pregleda predmeta tehničkog pregleda, Komisija sačinjava zapisnik.

(2) U zapisnik se unose svi relevantni podaci, zapažanja pregleda i eventualne primjedbe i nedostaci i to:

- da li je predmet tehničkog pregleda izgrađen u skladu sa odobrenim projektom;
- da li je izvedeno stanje u skladu sa važećim propisima, mjerama i normativima zaštite na radu i obaveznim standardima;
- da li je predmet tehničkog pregleda tehnički ispravan i
- da li predmet tehničkog pregleda ugrožava okoliš, život i zdravlje zaposlenika.

(3) Zapisnik potpisuju svi članovi Komisije i učesnici u pregledu ispred privrednog društva.

(4) Učesnike u tehničkom pregledu ispred privrednog društva imenuje ovlašteno lice podnosioca zahtjeva.

Član 8.

(1) Za otklanjanja eventualnih nedostataka, u zapisniku se daje rok u kojem je podnosilac zahtjeva dužan iste nedostatke otkloniti.

(2) Nakon otklonjenih nedostataka u zadatom roku, privredno društvo je dužno pismeno izvijestiti Ministarstvo.

(3) U cilju provjere i utvrđivanja stepena otklonjenosti nedostataka, Komisija će izvršiti

kontrolni pregled, o čemu će se sačiniti zapisnik.

(4) Pod uslovom da su nedostaci otklonjeni, voditelj postupka će u roku od osam dana od dana prijema zapisnika iz stava (3) pripremiti rješenje - dozvolu za upotrebu i dostaviti Ministru na potpis.

Član 9.

Dozvola za upotrebu rudarskog objekta, postrojenja, uređaja i instalacija sadrži:

- a) naziv privrednog društva kome se izdaje dozvola;
- b) naziv mjesta izgrađenog objekta, postrojenja, uređaja i instalacija;
- c) nazive objekta i postrojenja sa tehničkim karakteristikama;
- d) obaveze privrednog društva da sve izmjene u projektnoj dokumentaciji nastale u toku izgradnje objekta mora unijeti u odobrenu projektну dokumentaciju i čuvati svo vrijeme dok objekat traje i konstataciju da:
 - su objekat i postrojenje izgrađeni u skladu sa odobrenom projektnom dokumentacijom,
 - je privredno društvo uvažilo uslove date u dozvoli za izvođenje radova i
 - je privredno društvo uvažilo uslove navedene u urbanističkoj saglasnosti;
- e) obrazloženje i
- f) pouku o pravnom lijeku.

IV PRIJELAZNE I ZAVRŠNE ODREDBE

Član 10.

U postupku izdavanja dozvole za upotrebu rudarskih objekata, postrojenja, uređaja i instalacija izgrađenih na osnovu glavnog i dopunskog rudarskog projekta primjenjuju se odredbe Zakona o upravnom postupku („Službene novine Federacije BiH“ broj: 2/98 i 48/99) ukoliko odredbama ovog Pravilnika nije drugačije određeno.

Član 11.

Ovaj Pravilnik stupa na snagu osmog dana od dana objave u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
Ministarstvo privrede

Broj:07-04-02-475-2/13
Mostar, 08.10.2013. godine

MINISTAR
Amer Zagorčić, s.r.